

*Inissianut aningaasalersuilluni
taarsigassarsisitsinermik ukiut
20-it siulliit erniaqaratillu
taarsersugassaannngillat.
Tamatuma kingorna
taarsigassarsiat ukiuni 15-ini
tulliuttuni taarsersugassaapput.
Tassa imaappoq, Inissianik
nutaanik sanaartornermut
taarsigassarsiat ukiut 35-it
tikillugit tamarmiusumik
akilersuiffissaqarput.*



Inissiamik nutaamik sanaartortitsinissamut nalinginnaasumik paasissutissat

Januaarip aallaqqaataani 2018-imi illulortiternermut aningaasalersuineq pillugu Inatsisartut Inatsisaat atuutilerpoq.

Inissianik nutaanik sanaartorusukkuit, taava inissianut aningaasalersuilluni taarsigassarsiassanik **kommunimut qinnuteqarsinnaavutit**. Taarsigassarsiassat inissianik nutaanik sanaartornermut aningaasartuutit tamarmiusut tunngavigalugit taarsigassarsisitsisoqartarpoq.

Taarsigassarsialli inissiaq 110 m²-iusoq tunngavigalugu annerpaamik naatsorsorneqarsinnaalluni aamma m²-imut ataatsimut annerpaamik 20.000 kr.-nut sanaartornermut aningaasartuutit tunngavigalugit.

Noah Mølgårdip aqq. 9, 3952 Ilulissat

—

Oqarasuaatip normua: +299 70 18 00

—

boligfinansiering@avannaata.gl

—

<https://avannaata.gl/>



Avannaata
Kommunia

Inissianik nutaanik sanaartorneq

Avannaata Kommunia aqqutigalugu Inissianut aningaasalersuilluni taarsigassarsisitsineq



Avannaata
Kommunia



Taarsigassarsiarititanut killiliussat

Taarsigassarsiali inissiaq **110 m2-iusoq** tunngavigalugu annerpaamik naatsorsorneqarsinnaalluni aamma m2-imut ataatsimut **annerpaamik 20.000 kr.-nut sanaartornernut aningaasartuutit tunngavigalugit.**
Qaqortumi, Sisimiuni aamma Ilulissani

Kommunalbestyrelsi aningaasartuutit tamarmiusut 30 %-ii tikillugit nutaamik inissialiornissamut **taarsigassarsisitsisinnaavoq** taamaattorli § 4, imm. 2 naapertorlugu **annerpaamik** naatsorsorneqartut, **Taarsigassarsiasat** koruuninngorlugit **660.000**

Sumiiffiit sinneri:

Illoqarfinni nunaqarfinnilu §§ 6 aamma 7-imi taaneqanngitsuni **kommunalbestyrelsi aningaasartuutit tamarmiusut 40 %-ii tikillugit** **taarsigassarsisitsisinnaavoq**, taamaattorli § 4, imm. 2 naapertorlugu annerpaamik naatsorsorneqartut, **tassa Taarsigassarsiasat** koruuninngorlugit **880.000**

Piumasaqaatit

Sanaartornissamut isumaqatigiissutinik pisussaaffiliisunik isumaqatigiissuteqareersimassanngitsoq aammalu taarsigassarsisitsisinnik neriorsuutip akuerineqarnissaa sioqqullugu sanaartornermik suliaqarnerit aallartinneqassanngitsut, kiisalu sanaartorneq sanaartornermut pilersarusiornermullu inatsimmut atuuttuusumut naammassinnissimannissaa piumasaqaataapput.

Immikkut eqqumaffigisassat: Inissianut aningaasalersuilluni taarsigassarsisinneqarnissat anguniarlugu uku naammassisimassavatit:

- 25.000 kr. sinnerlugit pisortanut akiitsunik kinguaattooruteqaqqusaannginnissat.
- Sanaartorneq aallaartereersimanninnissaa imaluunniit entreprenørimut pisussaaffiliisumik isumaqatigiissusiorsimanninnissat.
- Sanaartorneq sanaartornermut pilersarusiornermullu inatsimmut atuuttuusumut naammassinnissaaq.

Qinnuteqaatit

Taarsigassarsinissamut qinnuteqaammut ilanngunneqassapput:

1. Allakkatigut taarsigassarsiniarluni qinnuteqaat
2. Pilersaarummut nassuiaat inissiat amerlassusaannut inissiamullu ataatsimut inissiap annertussusaa pillugu paasissutissanik imaqartoq
3. Sanaartornermi aningaasartuutitut tamakkiisunut missingersuutit
4. Kommunimiit nunaminertamik immikkoortsineq imaluunniit nunaminertamik atugassinneqarneq
5. Nammineq aningaasalersuisinnaanerup uppersarsarneqarsinnaanera
6. Qinnuteqartup ersarissumik kinaassutsimik uppersarsateqarnissaa, assersuutigalugu inuup normuanik imaluunniit najugaqarnermut uppersarsaat
7. Qinnuteqartup pisortanut kinguaattooruteqarluni akiitsoqannginnera pillugu Akiliitsiniarnermut oqartussaniit nalunaarut

Taarsigassarsianik tunniussineq

Aatsaat inissiap sanaartornera najugaqarfiginissaanullu piareereerpat taarsigassarsiat tunniunneqarsinnaapput. Taarsigassarsiasanik ilinnut tunniussisioqassappat taava uku nassiutissavatit:

- Kommunimit Atuutilersitsinerimut akuersissut
- Taarsigassarsiaritassat inaarutaasumik annertussusissaat aammalu sanaartornermut naatsorsuutit akuerisat
- Qularnaveeqqusiussaqarluni taarsigassarsitsisinerimut uppersarsaatip allaqqaarnerata oqaaseqarfigineqarani nalunaarsorneqarsimasoq
- Sillimasiissutinut uppersarsaatit
- Qularnaveeqqusiussatut allagartaq nageqqaarneranik nalunaarsugaq



Avannaata
Kommunia



Avannaata
Kommunia



Avannaata
Kommunia